

NU LE PA LEH KILKHAWITUPAWL HZEN CAKUAT

Metropolitan Melbourne leh Mitchell Shire ih ummi nu le pa le kilkhawitupawl hzen ca kuat

Duhdawtmi nu le pa leh kilkhawitupawl,

Na ralrin thiamnak dingah, Victoria cozah in Victoria ih tlawnginn hrangah Tarm 3 thawn pehparawin theihternak thu thannak hrek khat kan nei a si.

Victorian Harhdamnak Zung Hotu lubik ih ruahnak pekmi parah thumawin, Victorian cozah cun metrapulitan Melbourne leh Mitchell Shire ih tlawnginnpawl cu Tarm 3 nakih Zarh 1 tuahdan ding cu a hnuailam pawl ah fiangten langter an si. Tlawnginnpawl in Hramthawk ihsin kum 10 tlawngta pawl hrang Zarh 2 thawknak cu inn le a remcang danih zirnak tuah ding in an cangvai rero.

Victoria Harhdamnak Zungih Hotu bikin tlawnginn pawl cu tuah peh hrih dingih ruahnak pekmi ngai a thupit zia hminsin a thupi a si. Victoria Harhdamnak Zungih Hotu bikin zirhtupawl le tlawngtapawl hrang harhdamnak zohfelnak an tuah dingmi ruahnak a pek, cucu kan thlun tengteng a thul a si.

Hivekin tuah dan an thlengsalnak san cu metrapulitan Melbourne leh Mitchell Shire kiangkapih ummi- tlawngtapawl- nu le pa leh kiltu mipum an mal dingih coronavirus (COVID-19) karhzainak a reh vivo theinak ding ah a si.

Ziangvek, a si khal le, hrek khat tlawngtapawl hrangah hmai-tawn ih ca zir a thupi tuk ruangah a si. Cumi lakah Kum 11 leh 12 (le Kum 10 tlawngtapawl VCE lole VCAL zirnak program neitu pawl) VCE lole VCAL, kaitu tlawngtapawl an kai bet lole an sinier sekendari certificate an theh a thupit tuk ruangah hivekih tuah dan an run thleng nak a si.

Tawnginn tha hleiceih ih kaitu tlawngtapawl cu anmah zirhtu thiam hleicepawl leh hnahtuantu pawl in hmai-tawn ih zir thei dingih tonak rem a thupi a si. Inn ih si hnahtuan thei lomi nu le pa leh kilkhawitupawl innsang kan bawm a thul, cun hmun fianhrial ih tuahtu khal kan bawm an thul a si.

Kan tlawnginn, le metrapulitan Melbourne leh Mitchell Shire ih ummi cozah tlawngpawl in, hngam zetih kan him theinak dingah tlawngta zate taksa tahnak nitin kan nei ding. Nan fale an tak a sa a sile, tlawnginn ah rung hruai dingin an lo ko ding.

Tuahdan thar cu a hnuai lam vekin tuah a si.

Thawhtan 13 – Zirhtawp 17 July

Kum 11 le 12 tlawngtapawl, VCE lole VCAL zir laitu Kum 10 tlawngtapawl, leh tlawng tha hleiceih ih kaitu tlawngta zate, cu Thawhtan 13 July ah tlawng an kai thawksal thei ding a si.

Thawhtan 13 – Zirhtawp 17 July cu hramthawk ihsin Kum 10 tlawngta zate hrangah cawlh can a si ding. Himi tlawngta-cawlh can in zirhtupawl hrangah kan thleng tharmi inn ih si zirnak le a remcan danih zirhnak thawk dingmi Thawhtan 20 July hrang timlamnak na neihter ding.

Cumi zarh sungah hmun fianhrial program hrang bawmnak an thul le bawmnak pek a si ding. Himi program cu inn ih si tuah thei lotu nu le pa/kilkhawitu tlawngtapawl hrang le tuah dan ding thei lo rori pawl hrangah tuah sak a si ding.

Himi program na ʔul a sile, kan tlawnginn ah in sut hlam in, in bawm thei a si.

Himi mah le rem cang thei bik dingih tuah mi hi metrawpolitan Melbourne leh Mitchell Shire kiangkap ih ummi tlawng zaten a ngah a si.

Thawhʔan 20 July ihsin cun

Thawhʔan 20 July ihsin, kan tlawnginn cu inn ihsi zirhnak ah thleng a si ding. A hnuailam ih tlawngtapawl siar lo tlawngta zate hrang a si:

- Kum 11 le 12 tlawngtapawl leh kum 10 tlawngtapawl VCE lole VCAL program kaitu tlawntapawl
- Tlawng ʔha hleice ih aptu tlawngtapawl

A hnuailam ih tlawngtapawl cu hmunfian hrial ih tlawng kai ʔul pawl an si, asinan inn ihsi zirnak program tuah sak an si leh ding:

- Inn sang nu le pa/kilkhawitu ih zirhnak remcang lo le zirh thei lo mi nauhakpawl, cozah tlawnginn ih zirhtu pawl ih fa le pawl le hmun fianhrial ih kai ʔulmi nauhakpawl
- Tlaksamnak neitu tawngtapawl
- Hmun fianhrial ih zir hritu rualban lo tlawngtapawl.

Tarm 2 ah inn ihsi zirnak kan tuahmi tlawngtapawl hrang khal ah bangawin kan tuah ding.

Zung in nan tlawngtapawl ca an zir peh vivo theinak dingih bawm thei dingin hril dingmi an lo tuah sak, hitawkah ngah a thei *Learning from Home (Inn ihsi Zirnak)* website education.vic.gov.au/homelearning.

Coronavirus (COVID-19) theihternak neta bik thu le tlawnginn thu cu Fimthiamnak le Zirnak Zung (Department of Education and Training) website: education.vic.gov.au/coronavirus

Victoria Harhdamnak Zungih Hotu lubik in suak thuan le nauhakpawl hrangah hmai khuhnak hman thu ah tha a pe lem hrih lo. Tuah kelten, tlawngtapawl in hmaiupnak an hman duh khal a si le tlawng an feh phah ah an hmang thei thotho ko.

Cun, netabikih, lo theihter kan duh mi cu, nangmah, na fa le, lole nan innsang mi pakhat khat natnak pianhmang a simi taksa, khuasik lole thlansuak, khuhkhuh, dangro, thawthawt har, hnapdawk, rim thawtnak le thil thawtnak thei lo in nan um a si le coronavirus (COVID-19) zohnak ah cekawin inn ah um men dingin kan lo sawm.

Cumi cu kan tlawnginn le kan khawtlang kan him theinak dingah a thupi bikmi a si.

Harhdamnak le Minung Kilhawi Hnaʔuannak Zung (Department of Health and Human Services) ihsin harhdamnak thuhla thei bet na duh le, dhhs.vic.gov.au/coronavirus ah na zoh thei a si.